

06/11/1998

CNN temuramah PM Selasa

KUALA LUMPUR, Khamis - Wawancara eksklusif Perdana Menteri, Datuk Seri Dr Mahathir Mohamad dengan CNN International akan disiarkan secara langsung melalui program Biz Asia, pada Selasa ini, jam 9.30 malam.

Wawancara selama setengah jam yang dikendalikan oleh Lorraine Hahn itu, dijangka menarik perhatian ramai berikutan ini adalah temuramah khas pertama Dr Mahathir dengan wartawan asing sejak pemecatan Datuk Seri Anwar Ibrahim.

Temuramah itu yang dibuat secara langsung dari Kuala Lumpur akan disiarkan menerusi Mega TV, manakala siaran ulangannya pada Rabu jam 12.30 malam.

Rancangan itu disiarkan secara langsung di Bangkok dan Jakarta pada jam 10.30 malam dengan siaran ulangannya pada hari yang sama jam 11.30 malam.

Biz Asia adalah program khas mengenai ekonomi dan perdagangan di Asia Pasifik, dikendalikan secara langsung oleh Hahn setiap malam, dari Isnin hingga Jumaat.

Program itu menyiarkan liputan intensif mengenai kedudukan terkini ekonomi, berita korporat dan politik, yang memberi kesan kepada kegiatan ekonomi di Asia dan seluruh dunia.

(END)